

# Nostalgia PM

## naik sampan

BH- 18/3/2006

**K**UALA LUMPUR: Perkhidmatan sampan di Sungai Muda yang menghubungkan Permatang Bendahari, dekat Kepala Batas, Pulau Pinang dan Kota Kuala Muda di Kedah yang sering digunakan Datuk Seri Abdullah Ahmad Badawi ketika kecil menyimpan pelbagai nostalgia untuk Perdana Menteri.

Allahyarham datuknya, Abdullah Fahim sering membawanya menaiki sampan ketika ke pekan Kota Kuala Muda untuk urusan tertentu.

Nostalgia Perdana Menteri itu disiarkan oleh TV1 dan TV2 mulai semalam menerusi slot 'Berakhirnya Sampan Di Kota' yang menyingkap kenangan beliau menaiki sampan di sungai itu.

"Saya cukup rapat dengan datuk saya. Datuk saya pun suka bawa saya ke mana dia pergi. Jika ke pekan Kota Kuala Muda itu, boleh kata tiap-tiap kali dia pergi, mesti saya dibawa bersama... naik sampan. Saya tak ada rasa takut naik sampan," kata Perdana Menteri ketika temu ramah dalam satu daripada slot berkenaan.